

四十八


漢書門
類
號
函
架
冊


12608
211
300


內閣文庫
漢書
類
號
冊
函
架

12608
211
300

內閣文庫		
番號	漢	12608
冊數	160 (49)	
函號	300	211







重校聖濟總錄卷四十八

震澤汪鳴珂瑤圃全弟鳴鳳蘭圃校

程 助懋哉校訂

肺臟門

肺虛

肺實

肺脹

肺消

肺中寒

肺氣喘急

肺臟統論

論曰五臟設位肺獨居上故內經云天氣通於肺
又曰肺主皮毛為五臟之華蓋肺在五位為魄魄

則並精而出入者也在五性爲義義則能勝物而斷制者也又開竅於鼻故其液爲涕涕者繼泣而先泗也在聲爲哭故其志爲憂憂者陰肅而情慘也其色白者入二故也其味辛者物成故也是以在天爲燥在地爲金在音爲商在臭爲腥無非時數氣類之所係然也嘗以經脈表裏論之手太陰肺之經也手陽明大腸之經也二經爲臟腑表裏之合手太陰之經起於中焦下絡大腸環循胃口上膈屬肺從肺系橫出腋下下循臍內行少陰心

主之前下肘中循臂內上骨下廉入寸口上循魚際出大指之端其支者從腕後直出次指內廉出其端陰陽適平經絡和順盈虛消息莫覩偏勝一失其平病所由生過爲有餘有餘者病也不及爲不足不足者亦病也有餘之病是謂肺實不足之病是謂肺虛肺實之證喘嗽上氣肩背痛汗出陰股膝脛皆痛是也肺虛之證肩背寒痛少氣不能太息胸滿嗑乾是也病之所生凡以其經絡流行之處而見證焉治法實宜瀉之虛宜補之有餘則

損之不足則益之此其大畧也至於論脈手太陰脈之來去浮濇而短爲平脈若見他脈皆失其平故肺與脾腎子母也與心肝夫婦也脈得洪大而緩則爲母所剋得沉濡而滑則爲子所剋得弦而長則爲婦所剋得浮大而洪則爲夫所剋若母剋子者爲虛邪雖病易治子剋母者爲實邪雖病自愈婦剋夫者爲微邪雖病則差夫剋婦者爲賊邪大逆不治學者當察其虛實以補以瀉審治之法此其大畧也

肺虛

論曰肺爲華蓋覆於諸臟若肺虛則生寒寒則陰氣盛陰氣盛則聲嘶語言用力顫掉緩弱少氣不足咽中乾無津液虛寒之氣恐怖不樂咳嗽及喘鼻有清涕皮毛焦枯診其脈沉緩此是肺虛之候虛則補之

補肺湯方

治肺氣不足咳逆短氣寒從背起口

中含霜雪語言無聲而渴舌本乾燥甚者咳吐膿血

白茯苓去黑皮 五味子 紫苑去苗土 桂心 欵

冬花一兩 杏仁去皮尖雙仁炒兩半 陳皮 桑白皮

麥門冬去心焙 紫蘇子炒 淡竹葉二兩 鍾乳

粉 白石英三兩

右麤擣篩研勻每服水煎三錢入竹茹粳米薑棗各少許同煎去滓溫服日二夜一

人參湯方 治肺虛短氣咳嗽吐膿血不得眠臥

人參 桂心二兩 阿膠炙令燥 紫苑去苗土一兩 熟

地黃炒四兩 桑白皮炙八兩

右麤擣篩生薑三片水煎五錢入飴糖少許同煎去滓溫服日二夜一

補肺丸方 治肺虛喘嗽少氣

人參 鍾乳粉 白石英五錢 阿膠炙令冷 五

味子一兩 炙甘草三錢 細辛去苗葉二錢

右擣研為末麪糊丸梧桐子大甘草湯下二十丸

桑白皮湯方 治肺氣不足胸中痛牽背上氣失聲

桑白皮炒

麥門冬去心

欵冬花

乾薑炮

炙甘草一兩

白石英研

五味子兩

桂半

心二兩

右麤擣篩與白石英拌勻入大棗三枚水煎三錢去滓溫服不拘時

鍾乳丸方 治肺虛失聲胸中痛上氣息鳴

鍾乳石

一兩 研

麥門冬

去心 焙

欵冬花

乾薑炮

桂心

桑白皮

炙二兩

五味子

兩 半

白石英

二兩

右擣羅爲末與研藥拌勻蒸大棗肉擣丸如梧

桐子大空心米飲下十五丸至二十九日二不

拘時

補虛湯方 治肺虛寒咳嗽下利少氣

半夏

洗七遍 焙

乾薑

炮三兩

白茯苓

去黑皮

甘草

炙

紫朴

薑汁炙

五味子

二兩

黃耆

二兩 半

陳皮

去白焙兩

半

右剉如麻豆大每服水煎五錢去滓溫服

補肺阿膠散方 治肺臟寒胸中短氣咳嗽聲微

四肢無力

阿膠炙 山芋 人參 白朮 五味子

麥門冬一兩去心焙 乾薑炮五錢 桂心 杏仁去皮尖雙

仁炒三分

右擣羅爲散每服粥飲下三錢日二不拘時

參苓丸方 治肺氣虛寒咳逆下利少氣

人參 白茯苓去黑皮 白朮二兩半 甘草炙 川

芎 黃耆剉 乾薑炮 桂心二兩 陳皮去

焙兩半 川歸二兩

右擣羅爲末鍊蜜丸如梧桐子大空心酒下三

十九加至五十九薑湯下亦可若利甚加紫朴

去麤皮二兩半

紫朴湯方 治脾氣虧乏不能生肺而肺氣不足

多感風邪

紫朴薑汁炙一兩 人參 草豆蔻去皮五錢 乾薑炮一錢五

分 甘草炙一分

右麤擣篩水煎三錢去滓溫服益脾元補肺氣

九味湯方 治肺氣虛冷胸中氣微不能太息形

體怯寒鼻多清涕四肢少力

紫朴薑汁炙 陳皮去白焙 白木 甘草炙 防風

去 細辛去苗葉 訶梨勒皮 桂心 黃耆二兩

右擣篩入薑三片水煎三錢去滓空心溫服

欬氣丸方 治肺臟氣虛觸冒風冷呼吸寒邪上

氣喘促痞滿不得眠

苦葶藶紙上炒 馬兜鈴根 麻黃去根節 桑根

白皮炙一兩

右擣羅為末蒸棗肉和丸如梧桐子大食後煎

阿膠皂子湯下三十九

橘皮湯方 治肺氣虛乏胸喉中乾

陳皮去白炒 麻黃去根節

右麤擣篩水煎五錢入小麥一撮候小麥熟去

滓溫服

麻子湯方 治肺氣不足咳吐膿血氣短不得臥

麻子一升 人參二兩 阿膠切蛤粉炒 紫苑去苗土

桑白皮炙一斤 桂心二兩 熟乾地黄四兩

右咬咀如麻豆大用生薑一棗大水煎五錢入

飴糖少許煎沸溫服

地黃煎方 治肺虛聲嘶氣乏

生地汁五兩 生薑汁 白蜜三兩 沙糖兩半

杏仁去皮尖雙 升麻各二兩 人參為末三兩

右先將六味於銅器內煎地黃等汁盡為度乃去升麻下人參末攪勻候冷收置瓷盒中每服一棗大含化頻服

杜仲湯方 治肺氣虛寒勞損腰背苦痛難以俛仰短氣吐稠黏如膿溫中下氣

杜仲鹽酒炒斷絲 白朮 桂心 草薺一兩 附子

甘草三分

右麤擣篩入薑棗少許水煎五錢去滓溫服

三味丸方 治肺虛聲音不出

桔梗二兩蜜杵飯上蒸三日 訶梨勒四枚二生二煨 甘草一兩半生

炙半

右擣羅為末用馬渤同砂糖少許拌和為丸如芡實大每服二錢含化嚥津

補正湯方 治肺虛通身汗出不止

白石英二兩 白芍藥 炙甘草一兩

右麤擣篩每服水煎三錢去滓空心溫服日二

五味子湯方 治肺臟虛寒喘嗽短氣

五味子 麻黃去根 炙甘草 馬兜鈴一兩

右麤擣篩水煎三錢入沙糖少許去滓空心溫服

紫苑湯方 治肺臟虛寒喘嗽短氣

紫苑去苗 五味子炒 川貝母去心炒 升麻

天門冬去心焙 五錢

右麤擣篩入生薑二片大棗一枚水煎三錢去

滓空心溫服不拘時

補肺湯方 治肺氣不足煩滿喘嗽冲逆上氣唾

中有血心自驚恐皮膚粟起嘔逆歌笑心煩不

定耳中虛鳴面色常白宜服此湯

白石英研 鍾乳石研一兩 人參 天門冬去心

焙 欬冬花炒 五味子 桑白皮炒 紫苑

去苗 桂心二兩

右麤擣篩入大棗二枚水煎五錢入糯米一百粒生薑一分同煎空心去滓服日二

麥門冬丸方 治肺虛咳嗽氣喘

麥門冬 去心焙 附子 炮去皮臍 川椒 去目并合口者炒出汗

遠志 去心 乾薑 煨一兩半 杏仁 去皮尖雙仁炒三十枚 人參

細辛 去苗葉一兩三分 黃耆 剉炒 百部 一兩一分 桂心 三兩

右擣羅為末鍊蜜丸如彈子大頻含化一九湯

緩緩下

肺實

論曰右手關前寸口脉陰實者肺實也病苦上氣

胸中滿膨膨與肩相引扁鵲曰肺實熱則喘逆胸

憑仰息手太陰經為熱氣所加故為肺實之病甚

則口赤張食引飲無度體與背生瘡以至股膝踠

脛皆疼痛治法宜瀉肺火

黃耆煮散方 治肺氣盛實其氣上蒸口赤引飲

發嗽多痰心胸煩躁往往咯血

黃耆 剉 紫苑 去苗土 桑白皮 剉 片苓 去黑心

杏仁 去皮尖雙仁炒 麻黃 去根節 升麻 羌活 去蘆頭 蛤

蚶 酥炙 貝母 去心 麥門冬 去心焙一分 胡黃連 一錢

右擣羅為散入生薑一棗大水煎三錢去滓食

後臨臥溫服

麻黃湯方 治肺實熱喘逆胸滿仰息氣急

麻黃去根節 半夏薑汁製 桑白皮剉 赤茯苓二兩

杏仁去雙仁皮尖炒三兩 石膏研五兩 紫苑去土兩半

右剉如麻豆大入生薑五分切淡竹葉二七片水煎五錢去滓溫服

地骨皮湯方 治肺實熱喘逆胸滿仰息氣急

地骨皮五兩 石膏研六兩 杏仁去皮尖雙仁炒三兩 桑白皮剉四兩 白前二兩

右剉如麻豆大水煎六錢入淡竹葉二十一片去滓溫服

地骨皮湯方 治肺臟實熱喘促上氣胸膈不利

煩躁鼻乾

地骨皮二兩 桑白皮剉兩半 炙甘草 紫蘆莖

葉一兩

右麤擣篩水煎三錢去滓食後溫服

苦葶歷丸方 治肺氣實熱喘嗽

苦葶歷紙隔炒 大黃蒸剉一分 杏仁去皮尖雙仁炒二十七枚

右搗研為末用棗肉丸如梧桐子大生薑烏梅湯下五七九日二食後臨臥服

桔梗湯方 治肺氣盛實上焦不通面目浮腫大便燥

桔梗炒 大黃炒 麻黃去根節 柴胡 大腹

皮剉 杏仁去皮尖雙仁炒 枳殼去瓢炒 木香 羌活

去蘆頭一兩

右麤搗篩入薑棗少許水煎三錢去滓食後臨臥溫服

枸杞湯方 治肺實熱凡右手寸口氣口以前脈

陰實者若肺脹汗出氣喘逆咽中寒如欲嘔狀

病名肺實肺實則胸滿仰息泄氣除熱

枸杞根皮炒 石膏研四兩 陳皮去白焙 白朮土炒

二兩 杏仁去皮尖雙仁炒 白前兩半

右麤搗篩水煎三錢入蜜少許去滓食後溫服

日二

天門冬煎方 治肺實熱咳嗽涕唾稠黏氣促喘

急不思食

重校聖濟新金 卷四十八 三 燕遠堂

天門冬 去心以水一升煮爛 紫苑 去土一兩 川貝

毋 去心三兩 木通 剉 桔梗 桑白皮 剉 白茯苓

苓 去黑皮五錢 牛酥 合一 生地汁 四合 白蜜 二兩

藕汁 麥冬汁 三合

右擣羅六味為末先將汁煎五六沸次入天門

冬白蜜煎數沸次下紫苑等末攪勻次入酥慢

煎如飴待凝每服一匙食後夜臥細嚥之日三

五服

馬兜鈴湯方 治肺氣實熱嗽卒氣促急妨悶喘

息不安

馬兜鈴 七箇 桑白皮 剉三兩 升麻 一兩 炙甘草

二兩

右剉如麻豆大水煎五錢去滓溫服

黃芩湯方 治肺臟熱實涕唾稠黏喉咽不利

片苓 去黑心 柴胡 去苗 人參 赤茯苓 去黑皮 山

梔仁 秦芫 去土 黃耆 一兩 甘草 炙 升麻

地骨皮 五錢

右麤擣篩水煎三錢去滓食後溫服

重校聖濟新金 卷四十八 肺臟門 三 燕遠堂

百部湯方 治肺臟實熱喘嗽鼻塞口乾咽痛

百部 欵冬花 杏仁去皮尖雙仁炒炙甘草一兩

右麤擣篩水煎三錢入糯米少許竹葉二十一

片煎去滓溫服不拘時

肺脹

論曰肺脹者手太陰經是動病也邪客於肺脈先受之其證氣脹滿膨膨而喘咳缺盆中痛甚則交兩手而耆是為肺脹也內經謂肺脹者虛而滿喘咳逆倚息目如脫其脈浮是也

越婢加半夏湯方 治肺脹咳逆倚息喘急目如

脫脈浮大

半夏湯泡七次薑汁製麻黃去根節石膏研半斤甘草

炙二兩

右咬咀如麻豆大入薑五片棗二枚水煎五錢

去滓空心溫服日二

麻黃湯方 治肺脹咳而上氣咽燥而唾脈浮者

心下有水氣

麻黃去根節桂心 細辛 白芍三兩半夏薑汁

製 五味子 斤半 石膏 研四兩

右咬咀如麻豆大入生薑五片水煎五錢去滓
溫服

小青龍加石膏湯方 治肺脹咳上氣煩燥而喘
脈浮者心下有水氣

石膏 研二兩 麻黃 去根節 白芍藥 炒 桂心 細

辛 去苗葉 乾薑 炮 甘草 炙一兩 五味子 半夏

薑製二兩

右咬咀如麻豆水煎五錢去滓溫服小兒量減

半夏飲方 治肺氣脹滿咳嗽痰壅四肢萎弱積

漸虛羸

半夏 薑汁製 麥門冬 去心焙 升麻 前胡 去蘆頭一

兩 大黃 蒸炒 陳皮 五錢 生地黄 三兩 箠竹葉

三十片 檳榔 剉二兩 水洗

右咬咀如麻豆大入生薑二棗大水煎五錢去
滓溫服

檳榔湯方 治肺氣脹心腹滿悶

檳榔 大者二枚剉 訶梨勒 二枚去核 甘草 炙五錢 桑白皮

一兩 鼓半合 陳皮去白焙
三分去皮

右咬咀如麻豆大入生薑一棗大葱白五寸水

煎五錢去滓溫服

紫苑湯方 治嗽喘肺脹不得眠臥氣急欲絕

紫苑去苗土 甘草炙二 葶藶子炒一 檳榔剉

救 赤茯苓二兩去 黑皮

右麤擣篩水煎三錢去滓空心溫服日二以快

利為度

石膏湯方 治肺脹喘逆咳嗽

石膏 麻黃去根節 桑白皮剉 欵冬花去

焙 熟乾地黄 炙甘草一 麥門冬去心 桔

梗炒半

右麤擣篩水煎三錢入淡竹葉少許去滓溫服

日二夜一

皺肺丸方 治肺脹喘逆咳嗽

五靈脂二 栝子仁五 胡桃肉八

右擣爛研膏滴水丸如小豆大煎木香甘草湯

空心下十五丸晚再服

杏仁丸方 治肺乘風邪氣脹不利上氣喘急

杏仁去雙仁皮尖炒 馬兜鈴 蟬脫去土足翅五錢 白砒霜

研極細一分

右搗羅為末用大棗二十一枚蒸熟去皮核杵丸如梧桐子大金箔為衣空心薄荷湯下一二丸漸加至三丸止

肺消

論曰內經謂心移寒於肺故為肺消肺消者飲一澁二病不治夫病必有傳而傳則有順有逆傳其

所生者順順則易治傳其所勝者逆逆則難治蓋心經受邪傳之於肺是為逆證蓋以寒邪隨心火內燦金精肺臟既已銷鑠氣無所持故其證飲少而澁多也當其始病之時宜去其寒邪使不乘心火而移害於肺至於肺既消則又當補其肺金平其心火則邪無所容而病自愈矣

黃耆湯方 治肺消飲少澁多

黃耆三兩蜜炙 人參 五味子 麥門冬去心焙 貝

母去心 桑白皮東引者炙 枸杞子酒浸 熟乾地黃

兩半

右咬咀如麻豆大水煎五錢空心溫服日二

兔絲子散方 治肺消飲少澀多

兔絲子

酒洗淨用白酒浸一宿 煮搗爛焙乾研一兩

雞臛脰黃皮

不見水

蒲黃

帶隔微炒

五味子

炒 川連

炙兩半

肉蓯蓉

酒洗去甲 焙乾一兩

硝石

研五錢

右為細散每服溫酒下三錢空心服日二

黃耆湯方 治肺消飲少澀多

黃耆

蜜微炙

土瓜根

二兩半

菝葜

地骨皮

五

味子

二兩

人參

石膏

研

牡蠣

童便淬一兩

右咬咀如麻豆水煎五錢空心食前溫服日二

乾薑甘草湯方 治肺消飲少澀多

乾薑

炮四兩

生乾地黄

焙

麥門冬

去心焙

桂心

續斷

白蒺藜

炒去刺二兩

炙甘草

一兩

右咬咀如麻豆水煎五錢去滓空心食前溫服

肺中寒

論曰內經云肺中寒者形寒飲冷則傷肺蓋肺之脈循環胃口苟為寒邪所中則有咳而鼻塞唾涕

語聲嘶破洒浙惡寒之證生焉

華蓋湯方 治肺臟寒咳吐稠濁

紫蘓子炒

麻黃

去根節煮
掠去沫焙

杏仁

去皮尖
雙仁炒

赤

茯苓

去麤皮

陳皮

浸去
白焙

桑白皮

剉一
兩

甘草

炙五
錢

右擣爲麤末水煎三錢去滓空心溫服日二

補肺白石英丸方 治肺中寒氣

白石英

研

慈石

煨醋淬
三次研

陽起石

用陽城罐
升打取霜

研肉蓯蓉

酒洗
焙

熟乾地黄

金釵石斛

去
根

兔絲子

酒洗用酒浸一
宿擣成餅兩半

白朮

陳土
炒

栝樓根

五味子

炒二
兩

人參

桂心

一
兩

巴

戟天

去
心

防風

去叉一
兩一分

蛇床子

五
錢

右擣研爲末鍊蜜丸如梧桐子大空心溫酒下

十五丸米飲亦得

紫蘓子湯方 治肺中寒氣咳唾濁沫語聲不出

胸膈滿悶有妨飲食神思昏倦

紫蘓子

麻黃

去根節煮
掠去沫焙

杏仁

去皮尖
雙仁炒

赤茯苓

苓

去麤皮

陳麴

炒

桑白皮

炙

陳皮

去白
炒

桔

梗

微
炒

百合

一
兩

炙甘草

五
錢

右麤擣篩水煎三錢濾清熱服臨臥再服

麻黃湯方 治肺氣感寒先覺發噎次加喘急

麻黃

去根節煮掠去沫焙

陳皮

去白焙五錢

川芎

羌活

去蘆

頭防風

去義

紫苑

去苗土

甘草

杏仁

去皮尖雙仁炒

桔梗

炒

細辛

去苗葉一兩

右麤擣篩入薑二片水煎三錢去滓稍熱徐徐服不拘時

服不拘時

五味子湯方 治肺中寒涕唾稠黏

五味子

桂心

紫苑

去苗土

甘草

炙

麻黃

去根節

乾薑

炮

細辛

去苗葉五錢

右麤擣篩入棗二枚水煎四錢去滓空心溫服

欬冬花湯方 治肺中寒咳嘔濁唾不止

欬冬花

人參

前胡

去蘆頭

半夏

浸七徧去滑

炙

甘草

桑白皮

炙

桔梗

炒

杏仁

去皮細尖炒

辛

去苗葉五錢

陳皮

湯去白三分

右麤擣篩入薑五片水煎四錢去滓溫服

溫肺散方 治肺中寒咳唾濁沫

細辛

去苗葉二兩

五味子

炙甘草

白茯苓

炒乾薑四兩

右擣羅爲散沸湯空心下一錢食後臨臥服

橘皮湯方 治肺臟本熱因傷風邪寒壅相交痰

唾稠濁發而成嗽又服冷藥其嗽愈加

陳皮浸去白焙麻黃去根節先煮掠去沫川芎 羌活去蘆頭

防風去叉桔根 紫苑去苗葉一兩甘草炙二錢細

辛去苗葉一錢五分

右麤擣篩入薑二片水煎三錢去滓空心溫服

人參附子散方 治肺氣虛弱因中風咳唾不止

人參兩半附子炮去皮臍防已 麻黃去根節甘草

炙乾薑炮細辛去苗葉一兩五味子炒獨

活去蘆頭兩半

右擣羅爲散空心酒下一錢日二

桂心湯方 治肺氣虛弱因中風寒咳唾不止

桂心兩半麻黃去根節炙去沫焙五錢甘草炙欵冬

花焙杏仁去皮尖雙仁炒一兩

右麤擣篩水煎三錢去滓空心溫服日二

麻黃飲方 治肺中寒氣頭痛咳逆涕唾稠濁鼻

塞短氣

麻黃去根節 前胡去蘆頭 杏仁去雙仁皮尖炒

桑根白皮東引者炙一兩

右麤擣篩水煎三錢入葱白三寸去滓空心溫服

肺氣喘急

論曰肺氣喘急者肺腎氣虛因中寒濕至陰之氣所為也蓋肺為五臟之華蓋腎之脈入肺中故下虛上實則氣道奔迫肺葉高舉上焦不通故喘急

不得安臥又內經謂水病下為跗腫大腹上為喘呼其不得眠臥者標本俱病也

雞臍脰丸方 治肺氣喘急坐臥不得

雞臍脰皮二七枚酒洗焙乾 甜葶藶紙上炒 牽牛子煨

焦取末 半夏一分洗去滑 白砒霜半分細研霜每夜露至七宿收

於床下 鉛丹五錢治如砒霜法

右細擣研為末蒸大棗去皮核擣丸如菉豆大丹砂為衣沸湯入葱白臘茶下七丸甚者加至十丸食後臨臥服

通膈湯方 治肺氣喘急煩悶有時咳嗽

射干 炙甘草 麻黃去根節煮 桑白皮炙

一兩 檳榔剉 草豆蔻五錢 郁李仁麩炒去皮一兩

右麤擣篩入生薑一棗大水煎三錢去滓食後

溫服日二

澤漆湯方 治肺氣喘急坐臥不安

澤漆一兩 桑白皮剉 赤茯苓去黑皮兩半 陳皮

去白 木通剉三兩 紫苑去兩 紫蘇葉一兩 大

腹皮三錢 炙甘草五錢

右剉如麻豆大分六帖每帖薑水三盞煎去滓

空心服日三

紫苑湯方 治肺氣喘急嗽咳胸中塞滿

紫苑去苗上 桑白皮剉兩半 欵冬花 桔梗炒 升

麻 萎蕤一兩一分 柴胡去苗兩半 炙甘草五錢 射干

一分

右剉如麻豆大分六帖薑水煎去滓空心服日

三

川椒丸方 治肺氣喘急坐臥不得

川椒 去目并閉口炒出汗 猪牙皂角 酥炙去皮 葶藶子 莖一兩

紙隔炒 乾薑 炮五錢

右擣羅為末蒸棗肉為丸如梧桐子大煎桑白

皮湯下三九日二不拘時

潤肺湯方 治肺氣喘急四肢乏力飲食無味

杏仁 去雙仁皮尖炒 川貝母 去心 炙甘草 一兩 麻黃

去根節煮去沫焙二兩 紫蘘子 炒研一分

右擣篩水煎三錢入柿餅一枚去滓溫服日二

如聖散方 治肺氣上喘不拘新久

麻黃 去根節沸湯沸一二沸掠去沫乾六兩 炙甘草 一兩 杏仁

去皮尖雙仁炒四十九枚 桂心 五錢

右剉如麻豆用汲水五大鍾慢火煎三大鍾每

次空心徐徐緩呷半鍾去枕仰臥片時其喘立

止餘湯旋旋服之

朴硝丸方 治肺氣喘急不得眠臥并十種水病

朴硝 芒硝 同入銀罐內熟二兩 犀角 剉 硝石 同上

研 椒目 微炒 杏仁 去雙仁皮尖炒研二兩 葶藶子 淘去浮者

煮令芽出 苦葶藶 紐上炒

右研勻蒸棗肉杵丸如梧桐子大空心棗湯下十五丸

瀉肺湯方 治肺氣喘急坐臥不安

桑白皮 東引者炙 苦苧 經上炒

右擣麤末水煎三錢去滓食後溫服微利為度

麻黃湯方 治肺氣喘急

麻黃 去根節煮去沫焙一兩 五味子 炙甘草 二兩 杏

仁 去皮尖雙仁炒八十枚 石膏 研六兩 淡竹葉 切一升

右咬咀如麻豆水煎六錢空心去滓溫服日二

甘草湯方 治肺氣喘促不定肺中有膿

炙甘草 半分 桔梗 炒三分

右以水煎分二服空心食前各一

黃芩湯方 治久患肺氣喘急喉中作聲上焦壅

熱

片苓 去黑心 人參 升麻 麻黃 去根節掠去沫焙 杏

仁 去皮尖雙仁炒 桔梗 炒三分 川連 去鬚一錢五分 羌活 去蘆頭三分

蛤蚧 酥炙五分

右麤擣篩水煎三錢去滓空心服未愈服後葶

葶丸

葶藶丸方 治肺氣喘急

葶藶子

紙上炒 五錢

鉛丹

水飛 過研

白砒霜

研露 七夜

半夏

薑汁 製

杏仁

去皮尖 雙仁炒

馬兜鈴

羌活

去蘆頭 一分

右為細末蒸大棗去皮核搗丸如菜豆大丹砂

為衣食後葱白茶湯下三九氣實者下五七丸

防己丸方 治肺氣喉嗽喘急促坐臥不安

防己

猪牙皂角

酥炙去 皮一兩

陳皮

去白焙 五錢

甜葶

葶

紙上炒 三分

右搗羅為末大棗肉丸如梧桐子大食後臨臥

煎桑白皮湯下十五丸

四神湯方 治肺氣喘嗽

麻黃

去根節湯 浸去沫

五味子

一兩

杏仁

去皮尖雙 仁炒二十

五錢炙甘草

右咬咀如麻豆水煎五錢去滓空心溫服仰臥

片時日二

水蓼散方 治久患肺氣喘急坐臥不安涎唾稠

黏

水蓼洗焙 覆盆子 五味子 藿香子炒

桑根白皮東引者炙 京三稜炮 皂莢子炮二兩 甘

草炙二錢

右麤擣篩為散水煎四錢去滓空心溫服

紫蘓散方 治肺氣壅滯咳嗽發即氣喘妨悶

紫蘓莖葉 大腹皮 猪苓去黑皮 陳皮去白焙

麥門冬 桑白皮炙一兩 馬兜鈴七枚 枳殼去

麩炒 赤茯苓去皮一兩

右擣篩為散薑水煎四錢去滓空心服

又方

麻黃去根節二兩 赤茯苓 桂心 桔梗炒一兩去蘆頭

杏仁去雙仁皮尖炒四十九枚研 炙甘草五錢

右擣羅為散水煎四錢去滓空心服

桂皮散方 治肺臟喘急胸膈壅滯大腸不利

桂皮 陳皮去白焙一兩 牽牛子二兩半生半炒 白檳榔

剉五錢

右擣羅為散空心食前溫酒下三錢日二

猪胰散方 治肺氣喘急遠年不差

健猪胰

一具去脂膜細切

膩粉

一兩

右共拌勻入瓶內鹽泥封固上留小孔用火煨

烟盡研末空心漿水下二錢

清肺散方 治肺喘氣短

蒲頰葉

其葉微似棠葉尤柔厚背白似熟羊皮經冬不凋花如丁香蒂極細如絲

倒垂之風吹之則搖搖然冬末生花至春乃敷實如茱萸味酸可啖與麥齊熟其木甚大

吳人名曰半舍江南名曰棠京師名曰紙錢棠球襄漢名黃婆奶

右研為細末水下二錢發時空心服之有人患

喘三十餘年服之全愈疾甚者服藥後胸上生

小瘰疹痒者其疾則差一方用人參等分

三才圖會

卷之十八

三

燕遠堂

